

in seurtinio. Si trova pochi da conto vogliano andar, licet il salario sia bello, e questo per le cosse presente dil Turco. Di la Zonta rimase sier Francesco Contarini fo Cao dil Consejo di X, qu. sier Polo.

A dì 28. La matina non fo nova alcuna da conto.

Da poi disnar, fo Pregadi per far il Colegio, e lete letere di Roma e Napoli.

Da Milan, dil secretario Caroldo. Come monsignor di Lutrech era ancora amalato. Il signor Zuan Giacomo era venuto li per visitarlo, stete assae avanti fosse adnesso. Scrive coloqui àuti esso secretario con dito signor Zuan Giacomo, qual spera aver Chiavena di man di sguizari.

Fu posto, per i Consieri, Cai e Savii, atento al tempo di la guerra fusse venduti alcuni beni in Cavarzere da feraresi, allora nostri nimici, tutte le valle, beni, raxon et action di domino Nicolò Maria di Guidoni qu. Antonio citadin di Ferara a uno Bernardin Salvatico di Cavarzere per ducati 550, et hor volendo l'amontar, sia preso di scriver al podestà di Rovigo, che, di danari di bochadego si scuode de li ogni mese, si dagi al dito Nicolò Maria ducati 50. 99, 8, 71.

Fo posto, per i Savii, elezer uno orator in Hon-garia in questo Consejo, in luogo di sier Alvise Bon el dotor richiede licentia, con ducati 80 al mese etc. Fu presa, ave tutto el Consejo.

Fu posto, per li Consieri, Cai e Savii, conceder a l'orator dil Papa e a l'orator di Franza, poter far condur in questa terra vini senza pagar dacio.

Fu posto, per i Cai di XL e Savii, excepto sier Francesco da ca' da Pexaro, la parte de l'estimo con alcune adizion, *ut in ea*. Parlò contra sier Marin Zorzi dotor; li rispose sier Antonio Condulmer savio a terra ferma. E il Pexaro voleva parlar; l'ora era tarda, fo rimesso a doman a expedir questa materia.

Fu prima balotà li Savii dil Consejo; rimase se non do, et Savii di Terra ferma niun passoe. Era in Pregadi 207. Li seurtinii sarano qui soto posti. Il Consejo era molto straco.

Da Brandizo fo letere di 18 di questo mese, drizate a Julio Saracini mercadante di qui. Le qual sier Alvixe Pixani procurator aferma averle viste. Scrive uno suo: come era venuto nova di 8 di Rodi, el Signor turco aver fato paxe con il Sophi et uniti venir a la impresa de cristiani; et ha mandato ordini a Constantinopoli il Signor, che 200 galie siano preste et escano fuori; et che il Gran maistro di Rodi mandava orator al Papa per questa sì gran nova a dano di la cristianità.

### *Scurtinio di tre Savii dil Consejo.*

304

Sier Francesco Foscari, fo savio dil Consejo, qu. sier Filippo procurator.

† Sier Andrea Trivixan el cavalier, fo savio dil Consejo, qu. sier Tomà procurator.

Sier Marin Zorzi el dotor, fo Cao dil Consejo di X, qu. sier Bernardo.

Sier Nicolò Trivixan, fo consier, qu. sier Tomà procurator.

† Sier Nicolò Bernardo, fo savio dil Consejo, qu. sier Piero.

Sier Alvise Gradenigo, fo Cao dil Consejo di X, qu. sier Domenego el cavalier.

Sier Zuan Trivixan, fo consier, qu. sier Zacaria dotor e cavalier.

Sier Alvise Malipiero, fo Cao dil Consejo di X, qu. sier Stefano procurator.

Sier Hironimo da ca' da Pexaro, fo capitano a Padoa, qu. sier Beneto procurator.

Sier Gasparo Malipiero, fo savio a Terra ferma, qu. sier Michiel.

Sier Hironimo Zustignan el procurator.

Sier Zuan Venier, el Cao dil Consejo di X, qu. sier Francesco, qu. sier Alvise procurator.

Sier Piero Trun, fo savio a Terra ferma, qu. sier Alvixe.

Non. Sier Alvise Mocenigo el cavalier, fo ambasador al Signor turco.

### *Scurtinio di tre savii a Terra ferma.*

Sier Andrea Mozenigo el dotor, fo di Pregadi, di sier Lunardo qu. Serenissimo.

Sier Hironimo Barbarigo, è di Pregadi, qu. sier Andrea qu. Serenissimo.

Sier Nicolò Zorzi, è di Pregadi, qu. sier Bernardo da San Moisè.

Sier Francesco Bolani, fo avogador di Comun, qu. sier Candian.

Sier Faustin Barbo, fo avogador di Comun, qu. sier Marco.

Sier Polo di Prioli, fo Cao dil Consejo di X, qu. sier Domenego.

Sier Piero Zen, fo retor e provedador a Cattaro, qu. sier Catarin el cavalier.

Sier Marco Loredan, fo avogador di Comun, qu. sier Domenego.

Sier Gabriel Moro el cavalier, è di Pregadi, qu. sier Antonio.